

Blomblare op 'n agtergrond  
van nethekelwerk



# HEKEL 'N BLOM

**BENODIGDHEDE:** Ongeveer 60 g Pinguin-hekelgaring Nr. 8; hekelpen van 1,25 mm.

**AFKORTINGS:** ks - kettingsteek; kb - kortbeen; lb - langbeen; dsl - dubbelslagsteek; vlg - volgende; st(e) - steek (steke); gs - glipsteek; herh - herhaal; ls(e) - lus

(lusse); sp(s) - spasie (spasies; gluit-gs - glipsteek om rondte te sluit; gp(e) - groep (groepe) (= 'n aantal langbene saam deurgetrok); goh - garing oor hekelpen.

Onthou dat 3 ks altyd die 1e lb vervang aan beg van ry; 4 ks vervang 1e dsl.

**AANWYSINGS:** **Beginrondte:** 12 ks, sluit-gs.

**1e rondte:** 24 kb in ring, sluit-gs.

**2e rondte:** 32 kb oor 24 kb, sluit-gs.

**3e rondte:** 3-dsl-gp, \*5 ks, slaan 1 st oor, 3-dsl-gp\*, herh van \* tot \* nog 6 keer, 5 ks, sluit-gs.

**4e rondte:** 3 ks, \*3 ks, 1 kb in middel van sp van vorige rondte, 3 ks, 1 lb in bopunt van 3-dsl-gp\*, herh van \* tot \* nog 6 keer, 3 ks, 1

NA BLADSY 131

## HEKEL 'N BLOM

kb in vlg sp, 3 ks, sluit-gs.

Draai werk om, hekel 1 gs in laaste kb van rondte, draai werk dan weer om.

**5e rondte:** \*1 lb in laaste ks voor lb van vorige ry, hou laaste ls op pen, 1 lb in vlg ks na lb van vorige ry, hou laaste ls op pen, goh en trek deur; 9 ks\*, herh van \* tot \* nog 7 keer, sluit-gs.

**6e rondte:** 4 lb in elke 2-lb-gp van vorige ry, 9 ks, herh rondom, sluit-gs.

**7e rondte:** \*2 lb in eerste st van vorige rondte, 1 lb in vlg st, 3 ks, 1 lb in vlg st, 2 lb in laaste st, 8 ks\*, herh rondom, sluit-gs.

**8e rondte:** 3 lb in 3 lb van vorige rondte, 3 ks, 3 lb in 3-ks-sp, 3 ks, 3 lb in 3 lb van vorige ry, 7 ks\*, herh rondom, sluit-gs.

**9e rondte:** 3 lb in 3 lb van vorige rondte, 3 ks, 3 lb in elk van vlg 2 sps, 3 ks, 3 lb in 3 lb, 6 ks\*, herh rondom, sluit-gs.

**10e tot 14e rondte:** Soos 9e rondte. Daar is 3 ks en 3 lb meer in middel van elke blomblaar, maar hekel 1 ks minder in elke sp tussen 2 blomblare.

**15e rondte:** \*3 lb in lb van vorige rondte, (3 lb in sp en 3 ks) 7 keer, 3 lb in vlg sp, 3 lb in lb van vorige rondte, 5 ks\*, herh rondom, sluit-gs.

**16e rondte:** 3 lb in lb, (3 lb in vlg sp en 3 ks) 6 keer, 3 lb in vlg sp, 3 lb in 3 lb, 3 ks, 4 lb in 5-ks-sp van vorige ry tussen 2 blomblare, 3 ks\*, herh rondom, sluit-gs.

**17e rondte:** 3 lb in 3 lb, (3 lb in vlg sp en 3 ks) 5 keer, 3 lb in vlg sp, 3 lb in 3 lb, 4 ks, 2 lb in vlg lb, 1 lb in vlg lb, 3 ks, 1 lb in vlg lb, 2 lb in vlg lb,

4 ks\* herh rondom, sluit-gs.

**18e rondte:** Soos vorige rondtes. Wat die blomblare betref, hekel tussen elke 2 blomblare 5 ks, 3 lb in 3 lb, 3 ks, 3 lb in vlg sp, 3 ks, 3 lb in 3 lb, 5 ks, herh rondom, sluit-gs.

**19e rondte:** Blomblare soos vorige rye. Tussen elke 2 blomblare hekel 5 ks, 3 lb in 3 lb, (3 ks en 3 lb in vlg sp) 2 keer, 3 ks, 3 lb in 3 lb, 5 ks, herh rondom, sluit-gs.

**20e rondte:** Soos vorige rondte.

**21e rondte:** Blomblare soos vorige rye. Tussen elke 2 blomblare hekel 6 ks, 3 lb in 3 lb, (3 ks, 3 lb in vlg sp) 4 keer, 3 ks, 3 lb in 3 lb, 6 ks, herh rondom, sluit-gs.

**22e rondte:** 3 lb in 3 lb, 3 lb in vlg sp, 3 lb in 3 lb van vorige rondte, 6 ks, 3 lb in 3 lb, (3 ks, 3 lb in vlg sp) 2 keer, 3 ks, 2 lb in vlg sp, (3 ks en 3 lb in vlg sp) 2 keer, 3 ks, 3 lb in 3 lb van vorige rondte, 6 ks\*, herh rondom, sluit-gs.

**23e rondte:** 3 lb in 3 lb, slaan 3 lb oor, 3 lb in vlg 3 lb, 6 ks, 3 lb in 3 lb van vorige rondte, (3 ks en 3 lb in sp) 2 keer, 3 ks, 2 lb en 2 ks in vlg sp, 2 lb in lb van vorige rondte, (2 ks en 2 lb) in vlg sp, (3 ks en 3 lb in sp) 2 keer, 3 ks, 3 lb in 3 lb, 6 ks, herh rondom, sluit-gs.

**24e rondte:** 2 lb saam deurgetrek in eerste 2 ste van vorige rondte, slaan 2 lb oor, 2 lb saam deurgetrek in vlg 2 ste, 7 ks, 3 lb in 3 lb, (3 ks en 3 lb in sp) 2 keer, 3 ks en 2 lb in vlg sp, (2 ks en 2 lb in lb van vorige rondte) 3 keer, 2 ks en 2 lb in vlg sp, (3 ks en 3 lb in lb van vorige rondte, 7 ks, herh rondom, sluit-gs.

**25e rondte:** 2 lb in laaste ste van vorige rondte, 6 ks, 3 lb in 3 lb van vorige rondte, (3 ks en 3 lb in sp) 2 keer, 3 ks en 2 lb in vlg sp, (2 ks en 2 lb in lb van vorige rondte) 5 keer, 2 ks en 2 lb in vlg sp, (3 ks en 3 lb in sp) 2 keer, 3 ks en 3 lb in lb van vorige rondte, 6 ks, herh rondom, sluit-gs.

**26e tot 28e rondte:** Soos vorige rondtes, maar om punt van blaar te begin vorm, hekel in 26e ry 4 ks, 2 lb, 4 ks in middel van blaar. In 27e ry hekel 3 ks, 2 lb, 3 ks, en in 28e ry 1 ks, 2 lb, 1 ks. Hekel verder soos reeds gestel.

**29e rondte:** Hekel tussen blare soos vorige rondtes. In elke blaar hekel (3 lb in 3 lb van vorige rondte, slaan 2 lb oor, 3 lb in vlg 3 lb, 3 ks, herh verder soos gestel.

**30e rondte:** In punt van blaar: 2 lb in eerste 2 lb, maar hou laaste ls van elkeen op pen, slaan 2 lb oor, 2 lb in laaste 2 lb, slaan garing om hekelpen en trek deur alle lusse; (3 ks en 3 lb) 2 keer, 3 ks, 2 lb in vlg sp, (2 ks en 2 lb in lb van vorige rondte) 15 keer, 2 ks en 2 lb in vlg sp, (3 ks en 3 lb in vlg sp) 2 keer, 3 ks, herh rondom.

**31e rondte:** (3 lb in vlg sp, 3 ks) 2 keer, (2 lb in vlg 2 lb, 2 ks) 17 keer, 3 ks, (3 lb in vlg sp, 3 ks) 2 keer, herh rondom.

**32e rondte:** gs oor eerste 3 ste, \*3 lb en 3 ks in 1e sp, (2 ks, 2 lb in lb van vorige rondte) 17 keer, 3 ks, 3 lb in vlg 2 sps, herh van \*.

**33e rondte:** gs oor eerste 3 ste, \*3 lb en 3 ks in 1e sp, (2 lb en 3 ks in lb van vorige rondte) 17 keer, 3 lb in vlg sp, 3 ks; herh van \* rondom.

**34e rondte:** Soos vorige rondte, met slegs 3 lb aan punt van blaar.

**35e rondte:** 2 lb, 3 ks in lb van vorige rondte rondom.

**36e rondte:** 2 lb in eerste 2 lb van vorige rondte, 6 ks, 2 kb in vlg 2 lb, 6 ks\*; herh van \* tot \* rondom.

**37e rondte:** \*1 lb tussen die 2 lb van vorige rondte, 8 ks, slaan die twee 6-ks-sps oor, herh van \* rondom.

**38e rondte:** 10 kb in elke 8-ks-sp van vorige rondte. Heg netjies af. ●

## Jordan V...ONS KOP

Kruip in klein gapings in om groot gate weg te hou.



Die Jordan V het 'n V-vormige borselkuifie wat tussen u tande indring waar kos en plaak vasloop en gate laat ontstaan. Dit is die area waar tandbederf die meeste voorkom. Dit maak nie saak

watter tandepasta u gebruik of hoe deeglik u bo-op skoonmaak nie, as u nie die gapings tussenin bykom nie, is ernstige opbou van plaak en uiteindelik tandbederf feitlik seker.